

**ხელშეკრულება
სახელმწიფო შესყიდვის შესახებ №**

დაბა ხულო

..... 2019 წელი

ერთის მხრივ ხულოს მუნიციპალიტეტი (შემდგომში „შემსყიდველი“) წარმოდგენილი მერის ვახტანგ ბერიძის სახით და მეორეს მხრივ (შემდგომში მიმწოდებელი“) წარმოდგენილი სახით, ორივე ერთად წოდებული როგორც მხარეები, ელექტრონული ტენდერის აუქციონის გარეშე ჩატარების შედეგად (.....) ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე :

1. ხელშეკრულების საგანი და ღირებულება

1.1. შესყიდვის ობიექტია სოფლის მხარდაჭერის პროგრამის ფარგლებში მუნიციპალიტეტის შიდა სასოფლო გზების (ბოძაური (ქარხნის უბნის გზა)) პრობლემატური მონაკვეთების მოსაწყობად მზა ბეტონის მ-250 (B-20) შესყიდვის (შემდგომში საქონელი) შესყიდვა, (CPV44100000, 44114100).

1.2. შესყიდვის ობიექტის ტექნიკური მახასიათებლები, ოდენობები და ერთეულის ფასი მოცემულია დანართ N1-ში, ხოლო საქონლის წარმოშობის ქვეყანა და მწარმოებელი კომპანია დანართ N2-ში, რომლებიც წარმოადგენს ამ ხელშეკრულების განუყოფელ ნაწილს.

1.3. ხელშეკრულების საერთო ღირებულება შეადგენს ლარს.

2. შესყიდვის ობიექტის ხარისხი და სტანდარტები

2.1. ხელშეკრულების ფარგლებში მიწოდებული საქონელი უნდა შეესაბამებოდეს სტანდარტებსა და ტექნიკურ ნორმებს.

2.2. მიმწოდებელი იძლევა ვალდებულებას, რომ მიწოდებული საქონლის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

2.3. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯის გარეშე.

2.3 მოსაწოდებელი საქონლის საგარანტიო პერიოდი შეადგენს 1 (ერთი) წელს საქონლის საბოლოო მიღება-ჩაბარების აქტის გაფორმებიდან.

3. ხელშეკრულების შესრულების კონტროლი

3.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

3.2. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს ხულოს მუნიციპალიტეტის მერიის ბრძანებით განსაზღვრული პირი/პირები ან მერის ბრძანებით შექმნილი კომისია.

4. შესყიდვის ობიექტის მიწოდების ვადები, პირობები და ადგილი

4.1. საქონლის მიწოდება უნდა განხორციელდეს ეტაპობრივად, ხელშეკრულების გაფორმებიდან არაუგვიანეს 2019 წლის 10 ნოემბრის ჩათვლით პერიოდში.

4.2. მიმწოდებელი ვალდებულია ამ თავის 4.1 პუნქტის შესაბამისად უზრუნველყოს შემსყიდველისათვის მოთხოვნილი შესაბამისი ოდენობის საქონლის მიწოდება. საქონლის მიწოდებას მიმწოდებელი უზრუნველყოფს საკუთარი ხარჯებით.

4.3. საქონლის მიწოდების ადგილია ხულოს მუნიციპალიტეტი სოფელი ბოძაური (ქარხნის გზა).

4.4. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

4.5. მიაწოდოს შემსყიდველს ხულოს მუნიციპალიტეტის სოფელ ბოძაურში (ქარხნის გზა) სასაქონლო ბეტონი მ-250 (B-20) მერიის წერილობითი მოთხოვნის შესაბამისად, სადაც დაფიქსირებული იქნება გზის მონაკვეთი, მოსაწოდებელი მზა ბეტონის მოცულობები და მიწოდების ვადები. მიმწოდებელი

ვალდებულია მიაწოდოს ბეტონი მერიის მიერ მოთხოვნის შესაბამის ადგილზე მიტანით. წერილობითი შეტყობინებიდან არაუგვიანეს 3 დღის ვადაში დაიწყოს მოთხოვნილი ბეტონის მიწოდება და დაასრულოს წერილში მითითებულ ვადაში.

5. შესყიდვის ობიექტის მიღება-ჩაბარების წესი

5.1. საქონლის მიწოდების დღეს ხელშეკრულებით განსაზღვრული უფლებამოსილი პირ(ებ)ი ატარებს მიწოდებული საქონლის ინსპექტირებას, კერძოდ ახორციელებს საქონლის ვიზუალურ დათვალიერებას და ადგენს მის შესაბამისობას სატენდერო დოკუმენტაციით და ხელშეკრულებით განსაზღვრულ პირობებთან.

5.2. თუ გამოვლინდება, რომ საქონელი არ აკმაყოფილებს სატენდერო დოკუმენტაციის გათვალისწინებულ მოთხოვნებს შემსყიდველს უფლება აქვს არ მიიღოს საქონელი.

5.3. ხელშეკრულების საგნის მიღება, როგორც სრული, ასევე ნაწილობრივი მიღება-ჩაბარებისათვის მიმწოდებელმა უნდა წარმოუდგინოს შემსყიდველს საგადასახადო დოკუმენტაცია, შესაბამისი ბეტონის მარკის დამადასტურებელი ლაბორატორიული დასკვნა და მიღება-ჩაბარების აქტი.

5.4 საქონლის საბოლოო მიღებას აწარმოებს ხულოს მუნიციპალიტეტის მერის ბრძანებით განსაზღვრული პირი/პირები ან მერის ბრძანებით შექმნილი კომისია.

6. ანგარიშსწორება

6.1. ანგარიშსწორების ფორმა – უნაღდო.

6.2. ანგარიშსწორება მიმწოდებელთან ხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე გადარიცხვით, ანგარიშსწორების ვალუტა – ლარი.

6.3. ანგარიშსწორება როგორც ეტაპობრივი, ასევე საბოლოო, მიმწოდებელთან ხორციელდება მიმწოდებლის მიერ საგადასახადო დოკუმენტაციის, შესაბამისი ბეტონის მარკის დამადასტურებელი ლაბორატორიული დასკვნის წარმოდგენისა და მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში.

7. ფასები

7.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

7.2. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

7.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

8. ხელშეკრულებაში ცვლილებების შეტანა

8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

9.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

10. ხელშეკრულების პირობების შეუსრულებლობა

10.1. ხელშეკრულებით ნაკისრი ვალდებულებების, შეუსრულებლობის ან/და არაჯეროვნად შესრულებისათვის, ასევე ხელშეკრულების დროზე ადრე შეწყვეტისას მიმწოდებელს ეკისრება ჯარიმა ხელშეკრულების ჯამური ღირებულების 5 %-ის ოდენობით.

10.2. მიწოდების ვადის გადაცდენის შემთხვევაში ყოველი დაგვიანებული დღისათვის მიმწოდებელს ეკისრება პირგასამტეხლო ხელშეკრულების ღირებულების 0,02 %-ის ოდენობით.

10.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.4. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0.2%-ს შემსყიდველს უფლება აქვს შეწყვიტოს ხელშეკრულება.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

12. სადაო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

13. გამოყენებული სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. გადასახადები და დაბეგვრა

14.1. მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

15. ხელშეკრულების მოქმედების ვადა

15.1. წინამდებარე ხელშეკრულება ძალაშია ხელშეკრულების გაფორმების თარიღიდან და მოქმედებს 2021 წლის 31 იანვრის ჩათვლით.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

16.3. ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17. მხარეთა რეკვიზიტები

„შემსყიდველი“

„მიმწოდებელი“

ხულოს მუნიციპალიტეტი

მის: დაბა ხულო ტბელ აბუსერისძის ქ. #1

ხაზინის ერთიანი ანგარიში

ს.კ 248056311 ბ/კ: TRESGE22

ანგ. GE24NB0330100200165022

ხულო მუნიციპალიტეტის მერი

ვახტანგ ბერიძე

(ხელმოწერა)

(ხელმოწერა)